



**ТОШКЕНТ ШАҲРИ ХАЛҚ ТАЪЛИМИ
БОШ БОШҚАРМАСИ**

ва

ТОШКЕНТ ШАҲРИДАГИ АДЖУ УНИВЕРСИТЕТИ
ўртасида кадрларни тайёрлаш соҳасида

ҲАМКОРЛИК МЕМОРАНДУМИ

Тошкент шаҳри
2021 йил

Тошкент шаҳри халқ таълими Бош бошқармаси (бундан кейин – “Бошқарма”) номидан бошлиғи в.в.б. Исламова Дилфуза Дилшодовна,

Тошкент шаҳридаги Аджу университети (бундан кейин – “Университет”) номидан ректор Муратов Гайрат Азатович, биргаликда “Томонлар” деб аталувчилар,

ўсиб келаётган ёш авлодни маънавий-ахлоқий ва интеллектуал ривожлантиришни сифат жиҳатидан янги босқичга кўтариш, ўқув-тарбия жараёнида таълимнинг инновацион шакллари ва усуллари кўллашга;

ўқувчи ёшларда кенг дунёқараш, ижодий ва таҳлилий фикрлашни ривожлантириш, илм-фанга бўлган қизиқишни ошириш, қобилиятларини рўёбга чиқаришга;

юксак касбий билим ва маҳоратни эгаллаган, ижодкор, ташаббускор ва мустақил қарор қабул қилиш қобилиятига эга, стратегик фикрловчи салоҳиятли кадрларнинг янги авлодини шакллантиришга кўмаклашиш мақсадида қуйидагилар тўғрисида келишиб олдилар:

1. ҲАМКОРЛИК МАҚСАДИ

Томонлар ушбу Ҳамкорлик Меморандуми ўзаро ҳамкорликнинг умумий тамойилларини ўз ичига олганлигини чуқур англаган ҳолда, унинг қоидалари ҳамда амалдаги қонунчилик, соҳага оид давлат дастурлари ва ўз уставларига амал қилиб, ўзларининг ваколатлари доирасида ўзаро ҳурмат асосида кадрларни тайёрлаш соҳасида икки томонлама манфаатли ҳамкорликни қўллаб қувватлайдилар ва ривожлантирадилар.

2. ҲАМКОРЛИК СОҲАЛАРИ

Томонлар, кўзланган мақсадга эришиш йўлида қуйидаги соҳаларда ҳамкорликни қўллаб-қувватлайдилар ва илгари сурадилар:

➤ умумий манфаатга доир масалалар юзасидан маълумотлар, тажриба ва амалиёт алмашиш;

➤ “Бошқарма”га илмий-методик ёрдам кўрсатиш, илғор педагогик технологияларни жорий этишга, замонавий ўқитиш услубларини таълим жараёнига татбиқ этишга кўмаклашиш;

➤ “Университет”нинг етакчи ўқитувчилари ва профессорлари томонидан “Бошқарма”га услубий, ўқув-методик материаллар тайёрлашда ёрдам бериш;

➤ “Бошқарма” ходимларининг соҳадаги энг сўнгги назарий билим ва ўзгаришлар билан ўртоқлашиш мақсадида “Университет” профессор-ўқитувчилари ва мутхассислар томонидан маҳорат дарсларини ўтказиш;

➤ ўқувчилар ўртасида танловлар ўтказиш, уларнинг илм-фан, инновацион ва рационализаторлик қобилиятларини ривожлантириш бўйича ишларни

ташқил қилишда маслаҳат бериш;

➤ “Университет”да ҳар йили умумтаълим мактаблари ўқувчилари ўртасида фан олимпиадаларини ташқил этиш;

➤ “Университет” томонидан ўтказиладиган тадбирларга кўнгилли сифатида иқтидорли ўқувчиларни жалб қилиш;

➤ “Университет” фаолиятини умумтаълим мактаблари ўртасида кенг тарғиб қилиш, тақдирот ва видеороликларни намойиш этиш;

➤ кўшма анжуманлар, кўргазмалар, тақдиротлар, конференциялар, семинарлар, вебинарлар, маҳорат дарслари ва консультациялар каби тадбирларни ҳамкорликда ўтказиш;

➤ Томонлар ўзаро келишган ҳамкорликнинг бошқа соҳалари.

3. МАСЛАҲАТЛАШУВ

Томонлар ушбу Меморандумни қўллаш юзасидан ўзаро келишилган вақтларда маслаҳатлашувлар ўтказадилар.

Томонлар мазкур Меморандум мақсади ва унда белгиланган вазифаларни ўз томонларидан амалга оширилишига бевосита масъул жавобгар бўлган шахс/шахсларни белгилайдилар.

Томонлар ўзаро келишувига биноан ушбу Меморандум мақсадлари учун бошқа шерикларни, ҳамкорларни жалб қилишлари мумкин.

4. ЎЗГАРТИРИШ ВА ҚЎШИМЧАЛАР

Ҳар бир Томон ушбу Меморандумга ёхуд унинг бир қисмига ўзгартириш ёки қўшимча киритишни ёзма равишда таклиф этиши мумкин.

Томонлар ўзаро келишган ҳар қандай ўзгартиш ва қўшимчалар ёзма равишда ушбу Меморандумнинг ажралмас қисми ҳисобланадиган ва Томонлар белгилаган кундан бошлаб кучга кирадиган Баённомалар шаклида расмийлаштирилади.

Ҳар қандай ўзгартириш ва қўшимчалар уларнинг кучга киргунига қадар ушбу Меморандумдан келиб чиққан ёки унга асосланган Томонларнинг ҳуқуқ ва мажбуриятларига таъсир этмаслиги лозим.

5. НИЗОЛАРНИ ҲАЛ ҚИЛИШ

Ушбу Меморандум қоидаларини талқин қилиш, бажариш ва қўллашда Томонлар ўртасида вужудга келадиган ҳар қандай келишмовчилик ёки низолар учинчи томонга ёхуд судларга мурожаат этмасдан, Томонлар ўртасида маслаҳатлашувлар ёки ёзма шаклидаги музокаралар йўли билан дўстона равишда ҳамжиҳатлик асосида ҳал қилинади.

6. ҲАМКОРЛИКНИНГ КУЧГА КИРИШИ, АМАЛ ҚИЛИШИ ВА ЎЗ КУЧЕНИ ИЎҚОТИШИ

Ушбу Меморандум имзоланган кундан бошлаб кучга киради ва 3 (уч) йил муддат давомида амал қилади.

Томонлар ўзгача келишган тақдирда, бу муддат ўз-ўзидан кейинги 3 (уч) йиллик муддатга узаяди.

Мазкур модда қоидаларидан қатъий назар, Томонларнинг ҳар бири бошқа Томонни ушбу Меморандум амал қилишини тугатиш нияти борлиги тўғрисида истаган вақтда, бу ниятни амалга ошириш санасидан камида 6 (олти) ой илгари ёзма равишда хабардор қилиб, унинг амал қилинишини тугатиши мумкин.

Ушбу Меморандумнинг тугатилиши, унинг амал қилиши ўз ниҳоясига етиши санасидан аввалроқ келиб чиққан ёки унга асосланган Томонларнинг ҳуқуқ ва мажбуриятларига таъсир этмаслиги лозим.

Мазкур Меморандум 2 (икки) асл нусхада, ҳар иккиси ҳам ўзбек тилида тузилди.

7. ТОМОНЛАРНИНГ ИМЗОЛАРИ

Тошкент шаҳридаги
Аджу университети
ректори




Г. Муратов



Тошкент шаҳри халқ таълими
Бош бошқармаси
бошлиғи В.В.Б



Д. Исламова



2021 йил “__” декабрь